

INUIT ATAQATIGIIT INATSIARTUNI



UPA 2023/148
9. maj 2023
Agathe Fontain

Angajoqqaat erninermi sulinngiffeqarnerup naammassereersimanerani paarsisussarsisimannngitsunut pisortat qanoq ikiorsiisinnanerinut tunngasumik, siunnersuummik saqqummiussisussamik, suleqatigiissitaq nalunaarummik suliaqartussamik pileritsisoqarnissaanik Naalakkersuisut peqquneqassasut Inatsisartunut aalajangiiffigisassatut siunnersuut. Nalunaarusiami siunnersuut aallaavigalugu pisortanut aningaasatigut suut kingunissaanersut ilaassapput. Suleqatigiissitaq innersuussutini kingusinnerpaamik 1. Januar 2024 saqqummiutereersimassavaat.

(Demokraatit Inatsisartutgruppia)

Oqaaseqaat:

Siullermik oqaatigerusuppara, kikkut qaqugu meerartaassanerlutik namminneq aaliangertarmassuk, pisortanut soorunami apereqqaarnatik.

Meerartaarneq angajoqqaanngortunut pilluarneruvoq naliitsoq, meerartaarneq pitsaanerpaaq tassaasussavoq nammineq pilersaarusiorsimaluni, inuttut piareersimalluinnarluni piareertutut misigisimalluni pisussa.

Uagut ukioqatigiit inuusuttunngulernitsinni tusaasuagaraarput, "ilinniaqqaarlutit meeqqiussaait". Amerlassuullu tamanna maliunniarsimavaat. Tamarmiunngillali soorunami.

Siusinnerusukkut nalinginnaavoq anaanaq angerlarsimasuusooq, taamaallilluni meeraq allinissaa tikillugu angerlarsimaqatigalugu. Nunatta ineriartornerani, suliffissuaqarneq aallartisarneqarmat, anaanallu suliffeqalernissaat naatsorsuutigineqalermat, inuiaqatigiinni pisortat meeqqeriveqartsinnissaat naatsorsuutigineqalerpoq.

Ullumikkut kommunit meeqqeriveqarnissaq akisussaaffittut ingerlappaat, meeqqerivinnilu utaqqisoqarnera naapertorlugu, meeqqeriviit amerlassusilersorneqarniarsarisarput. Kommunit assignngitsumik inissisimapput. Illoqarfiit ilaat meeqqeriviit naammattut, ilaqarlunilu aamma amigaateqarfiusuni. Nunatsinnili illoqarfittut annerpaaq Nuuk meeqqerivinnik

amigaateqarfiusuarpoq, naak amerlasuunik meeqqeriveqaraluarluni.
Ilinniartoqarfissuuvoq, inuit nutserfigaat, suliffeqarfiit amerlasuut
Nuummiipput. Tupinnanngitsumik meeqqerivinnik amigaateqarfiusarpoq.

Nalunaarusiorneq allaffissornermik annertusaasuvoq, nalunaarusiornermilu
akisussaaffimmut allamiittumut, tassalu kommunimut tunngasuulluni.

Oqaatigissavarput meeqqerivinni inissat amigarpata, taava ajornartorsiut
qaangerneqarsinnaavoq amerlanernik meeqqerivinnik sanaartornikkut,
tamanna nalunaarusiorfigingikkaluarlugu ilisimaneqarpoq.

Siunnersuuteqartup aaqqiissutissatut siunnersuutai, siunnersuusiorfigineritut
immikkuuluaatutut saqqummiunneqarsinnaasutut isigalugit, siunnersuut
ilalinngilarput.